

靈寶領教濟度金書卷之一百二十四

洞微高士開光救苦真人竈金真授

靈寶通玄弘教水南先生林靈真編

科儀立成品度生齋合用

午朝行道儀

燒香頌

各禮師存念如法

衛靈呪

丹靈未火炎霞激風赤輪剛運天光八衝
逆威包羅交變萬方流金豁落群魔滅蹤
辟奸破扶明耀元功金符召制躡雲乘龍
誦歌慶會散花太空神化冥運四極安隆
伏御帝前因有不恭和與道合真

鳴法鼓二十四通

先上三天玄元始三炁太上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝闢啓玄壇天帝神君當召此間
土地里域真官正神急上闢啓臣今奉為入
齋意以今臨午陞壇行道願得玉清道炁靈

寶妙光下降流入臣等身中令臣所啓之誠
速達臣御
太上無極大道至真玉皇上帝御前

請稱法位

其位且恭與臨壇官衆等謹同誠上啓

虛无自然元始天尊無極大道太上道君太
上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上保上傳太
平下教二十四真人西城總真玉君大元真
人東嶽上卿司命茅君定錄保命二真人名
山洞府得道神仙三界官屬一切真靈臣聞
雲層我我元始御太无之祖炁龍漢蕩蕩虛
皇舒妙有之真精上浮圓蓋以高澄下裏方
輿而厚濁函三御極潛宰制於陰陽得一分
靈昭權衡於經緯大矣紫清之鳳牒妙哉玄
碧之龍圖鼓舞真風融怡聖日寶古今之柱
石為生死之津梁臣等道域師參慶基天啓

紫霞絳寶莫朝玉液於玄關白日紅塵徒滓
金花於神室望洋自嘆入谷懷慙惟蚊負以
淵臨期騰搏於海運憲天宏道佐國立功凡
有級投敢忘闕奏午朝詞旨謹為宣聞

宣詞

按如詞旨備極忱恂齋主其義重天倫情鍾
人極痛魂靈之沉滯嘆影響之沈寥蛾火摧
殘莫際生還於九轉駒陰暗老惟傷死別於
千齡五炁散於天元百體歸於地大茫茫幽
夜驚心解脫之無門寂寂冥宵何耳超凌之
有路倘寬愆之未釋致注訟之蒸輿惟陰都
度命以登真庶陽居保身而集庶非賴玄元
之造曷符丹赤之忱象地法天無旌旗於寶
壇鳴金扣玉飛旂葆於瑤壇龍煙飄玉柱之
香鳳炬燦金蓮之影投誠十極皈命三元清
蹕傳聲降虛无之上聖紫霄發付近浩劫之
慈尊救下民哀痛之詞親上帝矜憐之澤飛
金雞於閭闔玉顯恩言豎丹鳳於鬱單式彰
仁聞以今臨午陞壇行道請法衆等運茲初
捻上香

願此香煙騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

宗桃先聖杜稷專靈伏願況景六淵怡神三

秀凝珠旒於太漠密陰瑤圖飛羽蓋於重霄

廣延寶祚

皇帝德參覆載恩沃華夷翠浪千層擁蒼溟

而並福青山萬疊聳岱華以齊齡九圍敦孝

悌之風百辟發忠良之彛中園列御克著徽

音太子諸王共扶昌運今故燒香自皈依

師尊大聖眾至真之德得道之後保天長存

和與道合真

以今臨午陞壇行道請法眾等運茲二捨上

香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德奉祝齋主家九玄七

祖億劫種親伏願琳瑯御景瑤圃樓真襲覽

裳以飛遊鞭笞鸞鳳激雲漿而戲宴嘯傲煙

霞垂芳社於家庭鶴英猷於孫子齋主某五

靈孕炁三極陶形潤屋潤身衮袞熙朝之簪

綬學詩學禮綿綿聖世之箕裘歷花甲以積

環益椿年而莫衍望隆桑梓惠逮松蘿今故

燒香自皈依

師尊大聖眾至真之德得道之後昇入無形

和與道合真

以今臨午陞壇行道請法眾等運茲三捨上

香

願此香煙騰空徑上供養

无上至真師寶臣等皈身皈神皈命首體投

地仰依

太上三尊願以是功德奉祝三塗五苦六洞

十宮夜壑寒庭幽關冥路伏願根塵風散累

垢冰清襲卿雲於生門春回寒谷擁祥煙於

死戶陽滿幽都玉龍馳白簡之綸金馬迅朱

臺之詔飛行宴景辭北府以登真策駕凌虛

詣南昌而受化敷騰鬼域慶沃神卿今故燒

香自皈依

師尊大聖眾至真之德得道之後長享自然

和與道合真

禮方

儀方

命魔

步虛

控躡通十方

俯眄紫雲羅

積學為真人

萬椿莫足多

又

大道師玄寂

太乙捧洞章

天尊時雲輿

氛霧茂玄梁

又

賽樹圍景園

獅子巨萬尋

靈風扇奇華

焉能脫此心

旋懸玄景阿 仰觀劫仞臺

逍遙太上京 相與坐蓮花

恬然榮衛和 永享無期壽

昇仙友无英 公子度靈符

舍利耀金姿 龍駕倏來迎

飄飄乘虛翔 香花若飛雪

頭腦體金闕 攜手遊玉京

煥爛七寶林 天歌三百名

飛龍踞踴吟 神鳳應節鳴

清香散人林 自無高仙才

三啓

三禮

重稱法位

具位_臣某與臨壇官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上宮靈寶至真明皇道君三十六

部尊經玄中大法師上相上宰上保上傳太

平下教二十四真人西城總真王若大元真

人東嶽上卿司命茅君定錄保命二真人名

山洞府得道神仙三界官屬一切真靈巨闡

道生一以函三惟天爲大物並三而次萬惟

人最靈疑混洞以流形稟冲和而賦命青房

紫戶精思飛霞外之輪玉緯金經靈運策雲

端之駕生神永固烝死何干自季運之風滿

致畏途之日開雨滋叢棘罔知策馬之玄鍊

鑠交梨豈識牧牛之妙六根罪府五體冤都

奏黑簡於三元削青編於四極下愚蒙昧曷

逃淪墜之憂上智慈悲慈悲拔靈之請長夜

既開於玉匱明真遂演於金科今古蒙恩天

人受惠今玄壇所度亡故某切慮塵籠涉跡

世網謀身不知專烝以貴神安識保精而固

命三元紆鬱五賊搶攘冥行或叛於四維妄

動或干於五紀罪無大小實伐命之斧斤過

有陰陽皆傷生之刀鋸或先世之遺殃流注

或宿世之罪業牽連元臘無懺謝之文節會

乏朝修之典一朝奄忽九夜沉淪驚萬烝之

各難恨百身之莫贖陰官二十四治憲網高

張岱曾七十四司法機密布茫茫執告憾憾

誰矜惟仰藉於天光庶俯開於地禁苦稽度

星之式惠微懺罪之思燒香散花轉經行道

詔頌北闕策天吏以飛馳魂度南宮勅地祇

而侍衛水絕家庭之注咎頓消春序之考殃

齋主合家大小三景流輝五靈錫羨精神爽

潤冠水絕於陰陽步武高華福並隆於山海

迂方來之百順絕既往之千災老安少懷慶

荀氏八龍之盛尊寧車睦等子公四馬之榮

遣門外之風波宴壺中之日月蒙如丹禱仰

荷玄恩上願天度圓清地紀澄晏儀彗煇彩

河漢流祥犁雨滋春布歡聲於四鄙烽煙沉

夕集喜烝於三陸野息遺蝗朝多鳴鳳草木

遂生生之性飛潛離化之機山川鬼神永

護持於道日林泉隱逸疾證悟於真風則上

明

天專大慈之化下副巨等皈命之誠謹啓以

聞

發願

一願大道凌泊虛無安閑空寂澄清自居廣

開法門教導頑夫皆蒙惠澤精苦自修預

以同學香得升虛與天相保長存無憂

二願諸天結烝登清高虛廣覆保具固靈氣

候調節四運和平國安民豐普天開寧廣

濟一切惠運有生保天長存億劫不傾

三願土地覆載無窮安平不陷海淪不崩保

鎮家國兆民興從養生安死惠周十方禾

稼滋植營運日豐咸得覆載萬類皆從

四願日月二景高明無有孛蝕虧盈安清光

照諸天洞消暗冥保固劫運世祚和平普

加潤澤惠洒衆生

五願星辰與天齊光轉燭照耀十方各

安其位經緯直行保鎮家國無有災傷四

海寧一普天興昌

六願四時隨節推遷景氣和調無有災患疫

每消滅普天安平五穀豐熟國富民歡

七願浮雲結炁衆煙飛空高澄陰覆玄玄隱

則無爲散則彌天神仙同居結友衆真惠

流一切興國愛民普濟群生人同劫年

八願風雨洒潤無窮普加施泄受其發揚萬

物滋生國儲民豐

九願五嶽各安其方巍巍包藏長爲仙宮安

鎮國祚保天無終護度一切莫不仰宗

十願江海蕩蕩無極含容恢廓無細不植淵

奧柔惠潤加孺息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔教濟濟成化揚揚

先庶稱慶長樂未央

十二願壇飛蠢動已生未生成蒙安全普得

生成皆見元氣受陽之形草木果林經冬

不零一切濟度靡不詳榮和與道合真

存神燒香

香官使者左右龍虎君侍香諸靈官當令臣

朝行道之所自然生金液丹碧芝英百靈

衆具交會在此香火爐前令臣學道得道求

仙得仙齊官蒙福幽顯沾恩十方仙童玉女

接侍香煙傳臣向來所啓之誠速達徑御

太上元極大道至真玉皇上帝御前

出堂頌

引至幕

謝師尊

奉回向

靈寶領教濟度金書卷之一百二十四

靈寶領教濟度金書卷之一百二十五

洞微高士關光啟苦真人靈金具授

靈寶通玄弘教水南先生林靈真編

科儀立成品度星曆月

晚朝行道儀

燒香頌

各禮師存念如法

五星高耀瑞炁飛浮元始集神天地交周

玉符寶節嘯命微幽擲火揚威奸山無留

萬魔振伏紛葩卻消摧怪伐惡道炁周流

神光照夜陰翳俱收萬仙降格扇景衆聽

群生咸遂惠過神州和與道合真

鳴法鼓二十四通

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣今奉爲入

齋意以今落景陸壇行道願得玉清道炁靈

寶妙光下降流入臣等身中今臣所啓之誠